

MORNING GOJRI NEWS BULLETIN 26FEB 2025 1015HRS

مارننگ گوجری نیوز بولیٹن 26 فروری 2025

یوہ آکاشوانی جموں مُبارک ماہر تیں خبر سُنو۔

COUNTER TERROR

جموں کشمیر مانہہ کل کاؤنٹر انسرجنسی فورس ڈیپلٹا غا سدر دفتر مانہہ جموں خطہ غا بکھ بکھ ضلعان مانہہ حفاظتی دستاں بشکار ربط تے کاروائی کارکردگی نانہہ بدھان غا سلسلہ مانہہ ایک اعلیٰ سطحی حفاظت بارے جائیزہ اجلاس منعقد ہوو۔ آکاشوانی جموں غا نامہ نگار نے خبر دتی ہے جے اس اجلاس غو مقصد خفیہ معلومات سانجی کرن نانہہ بدھان غے نال نال ضلع ڈوڈھ کشتواڑ تے رام بن علاقان مانہہ سرگرم دہشت گرد نیٹ ور کاں نانہہ ختمکرن خاطر ایک جامع حکمت عملی تیار کرنو تھو۔ مزکورہ اجلاس مانہہ فوج جموں کشمیر پُلَس سی۔ آر۔ پی۔ ایف تے خفیہ ایجنسیاں غا اعلیٰ عہدیداراں نے شرکت کی۔ اجلاس مانہہ فعال کاروائیاں نانہہ بہتر بنان بارے ویلے سرے خفیہ معلومات سانجی کرن غا نظام نانہہ مضبوط بنان انسداد دہشت گردی غی ہم آہنگی غی کاروائیاں بارے حفاظتی دستاں بشکار ربط نانہہ بدھان تے دہشت گردی غا نیٹ ورک نانہہ بے اثر کرن تے شناخت شدہ سامان غی رسد غا نظام مانہہ روکاوٹ پان ور تبادلہ خیال کیو گیو۔

SECURITY BUDGET

مارچ نانہہ شروع ہون آلا آئیندہ بجٹ اجلاس غا سلسلہ مانہہ حفاظت بارے تگڑا بندوبست کیا ۳ گیا ہیں۔ آکاشوانی جموں غا نامہ نگار نے خبر دتی ہے جے اسمبلی سپیکر عبدالرحیم راتھر نے حفاظتی تیاریاں غا سلسلہ مانہہ ایک جامع جائیزہ اجلاس منعقد کیو تے متعلقہ حُکام نانہہ ہدایت دتی ہے جے وے قانون ساز اسمبلی غا احاطہ مانہہ پارلیمانی پروٹوکول تیں باخبر افراد نانہہ تعینات کریں۔ سپیکر موصوف نے ٹریفک حُکام نانہہ ہدایت کی ہے جے وے جموں کشمیر قانون ساز اسمبلی کمپلیکس سول سیکرٹریٹ تے ایم۔ ایل۔ اے ہاسٹل آلے پاس جان آلی سڑکاں ور گڈیاں غی آمدرفت نانہہ منظم تانجے لوکاں غی پریشانی مانہہ کمی کی جاسکے۔

CM BUDGET

جموں کشمیر مانہہ ۷ مارچ نانہہ آن آلا بجٹ غی پیشکش غا سلسلہ مانہہ وزیر اعلیٰ عمر عبداللہ نے کل سول سیکرٹریٹ جموں مانہہ مُچ سارا اہم محکمان غے نال پیشگی بجٹ بیٹھکاں گا ایک سلسلہ غی صدارت کی۔ جس غو مقصد آن آلا بجٹ واسطے پیشکش نانہہ حتمی شکل دینو تھو۔ آکاشوانی جموں غا نامہ نگار نے خبر دتی ہے جے یہ بیٹھک شعبہ وار ترجیحات نانہہ سمجھن تے اس نانہہ سرکار غا ترقیاتی ایجنڈا نال جوڑن غا سلسلہ مانہہ منعقد کیں گئی۔ مزکورہ بیٹھکاں مانہہ مشاورت غے دوران وزیر اعلیٰ نے ایک عملی تے ترقی ور مبنی بجٹ غی لوڑ ور زور دتو جہیزو لوکاں غی اُمیدان نانہہ پوراں کرے انہاں نے جامع ترقی شفاف طرز حکمرانی تے عوامی وسیلاں غا صحیح استعمال غا سلسلہ مانہہ سرکار غا عزم نانہہ طاہر

کیو۔وزیر اعلیٰ نے محکمان نانہہ ہدایت دتی جے وے فلیگ شب پروجیکٹاں نانہہ ترجیح دیں تے نال ہی جاری کماں نانہہ تیز کریں تے ترقیاتی سکیمیں ور ویلے سرے عملدرآمد نانہہ یقینی بناویں۔ وزیر اعلیٰ نے پہلاں ہی جموں کشمیر غا تمام ضلعان غا عوامی نمائنداں غے نال بڑی مشاورت کیں ہیں۔ جس مانہہ ضلع ترقیات کونسل غا چئیر پرسن تے ممبر اسمبلی ویں شامل رہیا۔

TOLL REVISION

جموں کشمیر ہائی کورٹ نے لکھن پور ٹول پلازہ تے بن ٹول پلازہ غی تعمیر مکمل ہون تک قومی شاہراہ ۴۴ ور دوہاں ٹول پلازاں ور ٹول فیس مانہہ کمی کرنبارے ہدایت دتی ہے۔ بکھ بکھ اخباراں غی خبراں غے مطابق چیف جسٹس تاشی رستمان تے جسٹس اکرم چوہدری غی بنچ نے قومی شاہراہ ۴۴ غے نال لکھن پور ٹھنڈی کھوتی تے بن ٹول پلازاں ور ٹول ٹیکس تیں استثنیٰ غی درکواست غی سماعت کرتا واں کہیو کہ جد تک دلی امرتسر کترا شاہراہ نانہہ قومی شاہراہ سنگ مکمل طور ور جوڑ نہیں دتو جاتو اچر تک ان جگہاں ور ٹول لینو غیر منصفانہ تے غیر معقول ہے عدالت نے ہدایت دتی جے قومی شاہراہ غا مکمل ہون تک دوہاں ٹول پلازاں ور ٹول ٹیکس مانہہ فوری طور ور ۰۸ فی صد کمی کی جائے تے نال ہی دوجا ٹول پلازہ غا ۰۶ کلو میٹر غا دائرہ اندر کسے وی ٹول پلازہ نانہہ ہٹا یو جائے اس تیں علاوہ عدالت نے تول پلازاں ور کسے نانہہ وی ملازم رکھن تیں پہلاں پُلش غی تصدیق نانہہ لازمی قرار دتو۔

MAHA SHIV RATRI

جموں خطہ مانہہ اج مہا شیوراتری غو تہوار مزہبی جوش تے جزیہ سنگ منایو جارہیو ہے نکی لو تیں ہی عقیدت منداناں نے جموں صوبہ غا بھگوان شیو مندران مانہہ خصوصی پوجا پاٹ واسطے بھڑ لادتی ہے شیوراتری لفظی طور ور شیو غی رات ہندو کیلنڈر غا سب تیں اہم موقعان وچوں ایک ہے۔ جہیڑا عام طور ور ہر برے پھگن مہینہ غی چودھویں رات نانہہ آوے تے انگریزی مہینہ فروری تے مارچ بشکار آوے شیو راتری جس نانہہ پیراتھ غا نام نال وی جانیو جائے کشمیری پنڈت برادری مانہہ خاص اہمیت رکھے پنڈت برادری کئی ہفتاں تک یوہ تہوار مناتی رہ جشن غے دوران وے مچھلی سبزیاں غا خاص پکوان پکاویں تے ہر روز بھگوان شیو غی پوجا کرن خاطر مخصوص نایاں غے نال تہاڑا مقرر کریں۔ جموں ضلع مانہہ جانیپور غا علاقہ مانہہ آپ شمیو مندر تے سرکلر روڈ ور پیر کھو مندر مانہہ عقیدت منداناں غو سب تیں بڑو مجمو دیکھیو جائے۔

TECHNOLOGY AWARD

انڈین ایکسپریس گروپ نے ٹیکنالوجی سبھا تے اعزاز غا اپنا ۷۳ یاں شمارہ مانہہ کاروباری اطلاق زمرہ مانہہ ٹیکنالوجی اعزاز ۵۲۰۲ جموں کشمیر غا اطلاعات ٹیکنالوجی شعبہ نانہہ اپنا اندروں ملک پروجیکٹ ای۔آنت واسطے دتو ہے۔ ای آنت متحد پورٹل ور ایک ہزار ۴۶۱ آن لائن خدمات غی ۰۰۱ فی صد دستیابی غے نال ڈیجیٹل خدمات غی فراہمی مانہہ ایک قومی معیار قائم کیو ہے۔ جس سنگ بھارت مانہہ ای۔گورننس مانہہ سب تیں اگے اپنا رتبہ نانہہ تقویت لبی ہے۔

WEATHER

جموں کشمیر غا اوچیراں علاقاں مانہہ تازہ برف پئی ہے جد کے وادی کشمیر غا میدانى علاقاں تے جموں خطہ غا اگچ ایک علاقاں مانہہ کل بدل برتو تھو جس سنگ دن غا درجہ حرارت مانہہ تیزی سنگ کمی آئی ہے کشمیر غی پہاڑیاں جس مانہہ مشہور سکی ریزورٹ گلمرگ سونمرگ تے دودھ پتھری مانہہ تازہ برف باری ہوئی ہے گلمرگ تے سونمرگ مانہہ چھانچ دور پتھری گلی مانہہ ۴ انچ برف باری ریکارڈ کی گئی ہے اس تیں علاوہ برف باری تے اوچیں تھاریں بدل غے دوران ٹریفک پلس رام بن نے قومی شاہراہ ۴۴ جموں سرینگر ہائی وے غا مسافراں واسطے ٹریفک ہدایت جاری کی ہے جے مسافراں تے لہوکی گڈی چالکاں نانہہ صلاح دتی جائے جے وے تہاڑی ہی جموں سرینگر قومی شاہراہ ور سفر کریں کیونجے رام بن تے بانہال بشکار پتھر چھڑکن غو خدشو ہے۔
